



**Corpus Juris Canonici, Per Regulas Naturali Ordine  
Digestas, Usuque Temperatas, Ex Eodem Jure, Et  
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac  
delectu, in contrariis conciliatione, eximium, simulque Indicibus ac  
Præfationibus, Notisque quamplurimis & exquisitis illustratum, ; In Tres  
Tomos divisum

Complectens Prolegomena Ad Jus Canonicum In Se Et Universim  
Consideratum

**Gibert, Jean-Pierre**

**Coloniæ Allobrogum, 1735**

Observationes in Cap. XXIII. De Conciliis.

---

[urn:nbn:de:hbz:466:1-74413](#)

Uxor Dotem & Donationem amittit, & de iis, in quibus Dotem recuperat, & Donationem lucratur. Canones his in *Regulis* laudati, defumpti sunt ex Legibus Civilibus, & ad eas confirmandas conditi fuere. *Reg. IX.* quæ dicit, Judicem Ecclesiasticum de restitutione Dotis cognoscere posse, & Canon ibi laudatus, exolevare; *Judex Sæcularis* jus suum recuperavit. Principes, qui hunc Casum Ecclesiæ dimiserant, expedire duxerunt, ut sui Judices de eo cognoscerent. *Dua novissimæ*, quæ respiciunt Donationem propter Nuptias, *Jus Civile* recipiunt.

OBSERVATIONES in CAP. XXI. de Secundis Nuptiis.

*Secundæ Nuptiæ* contrahi possunt, vel antè prioris Matrimonii dissolutionem, vel post: quod non accedit, nisi per mortem alterius Conjugis, si Matrimonium sit consummatum; vel Professionem Religiosam, si nondum sit consummatum. Autor plures admittit casus dissolutionis; quæ in re procul dubio fallitur. *Ilia notabuntur*, postquam monuerimus, secundum Matrimonium, post dissolutionem primi, validum semper fuisse; idemque obtainere, quoad alia subsequentia: Interdictum autem a quibusdam Canonibus latum, nufquam fuisse, nisi Impedimentum prohibitivum, quod ex multis retrò Sæculis fuit sublatum. Quoad alia Impedimenta prohibitiva, quæ vigent, quoad prius Matrimonium, ea locum habent erga posterius, sicut omnia Impedimenta dirimenti, quæ etiamnū vigent. Nullum est, quoad Capita hæc, discriberet prius & posterius: unicum supereft, videlicet, quod non benedicatur posterius; quod restringendum est ad Benedictionem accidentalem, nempe eam, quæ sequitur Conjunctionem Conjugalem, quam operantur & parvunt, juxta opinionem probabiliorum, consensus Partium, & verba Ministri.

Hi sunt errores Autoris, seu veri seu speciosi, qui sunt in Exceptione II. *Quæst. II.* Primus, est in Secunda Replicatione: dicit, Sponsam, non Uxorem, dimisfam, rursus nubere posse. Si per, *Sponsam*, intelligat *Conjugem*, ut intelligent *Canones 32.33.34. Cau. XXVII. Quæst. II.* ubi agitur de casu, quo Coniux *Titii* rapta fuit à *Mervio*, qui eam cognovit; Canones dicunt, eam rursus nubere posse, si à marito dimittatur: quod restringendum est ad Casum mortis mariti. Restrictio adjecta id insinuat; nempe, si Raptoris sceleri non consensit. Idem est de prohibitione Raptori facta uxorem ducendi, quæ est sequela Pœnitentia publica, cui Raptus erat obnoxius.

Secundus Error, est in Secunda Replicatione: dicit, Incestum ab altero Conjugum cum aliis Cognatæ commissum solvere Matrimonium, quoad innoxiam Partem. *Can. 23. Cau. XXXII. Quæst. VII.* laudatus, ad id probandum, exponi debet sicut præcedens.

Tertius, est in Quinta Replicatione: dicit, Maritum, qui Uxorem, ob sterilitatem, dimittit, aliam ducere posse. Canon prior, quem laudat, nempe *Can. 18. ibid.* non loquitur de casu Sterilitatis, sed de casu Impotentia Matrimonium subsequentis; & à plerisque errore creditur. Canon *Si quis cum. 24. Quæst. laudata*, loquitur de casu Inceſti, sicut 24. supra expofitus. *Canon 2. Requisiſisti, Caus. XXXII. Quæst. I.* respicit Impotentiam antecedentem.

Quartus, est in Sexta Replicatione: dicit, eum in cuius vitam alter machinatus est, secundum Matrimonium inire posse. Canon laudatus loquitur de casu, quo superftes est Machinator, cui Matrimonium subsequens mortem leui conjugis interdictum erat, propter Pœnitentiam publicam, cui subjacebat.

Quintus, est in Decima Replicatione: dicit, eum in ne maritus uxorem adulteram occidat, licentia aliam ducendi ipsi concedenda est. Canon laudatus *9. Caus. XXXIII. Quæst. II.* contrarium dicit. *VIGELIUS* ideo deceptus est, quod *S. AUGUSTINUS*, Autor Canonis, advertens, Adulterium esse crimen minus homicidio,

dicat; virtutem, qui ad alterutrum propensus est, minus male acturum, uxorem aliam ducendo, quam occidendo; ut libertatem consequatur. *Si facturus est, quod non licet, jam faciat Adulterium, & non Homicidium.* Qualificatio Adulterii, quam *S. Doctor* his Nuptiis tribuit, perspicue ostendit, eum ipsas illicitas duxisse; Idem probat sermo præcedens, nempe, *Vir uxorem adulteram occidere nequit, nec aliam ducere, quamdiu hac vivit*: si autem occidat, ut deinceps aliam ducat, pervenit ad id, quod illicitum est, per rem, quæ etiam illicita est.

Sextus error, est in Replicatione Exceptionis IV. ubi fine restrictione dicit, uxorem Subdiaconi, qui ab Ordinis sui functionibus abstinerem maluit, quam à Matrimonio; rursus nubere posse, illo mortuo: porrò, id verum non fuit, nisi quod Subdiaconos Siculos, qui duxerant Uxores, antequam Celibatus Subdiaconorum in illâ Regione institueretur: itaque casum particularem in Regulam transfert.

Impedimentum, de quo in hac Exceptione agitur, erat merè prohibitivum, & proveniebat ex Voto Continentiae; cui adstringebatur mulier, quæ consentiebat, maritum suum accipere Ordines Sacros. Idem est de iis, de quibus loquuntur Exceptiones V. & VI. nempe Conjugis, qui occiderat, aut machinatus erat in vita alterius; & ejus, qui puellam rapuerat: hæc Impedimenta proveniebant ex Pœnitentiâ publicâ, cui obnoxia erant crima hæc, & dispensationem patiebantur in periculo incontinentiae.

Pleraque eorum, quæ hic dicta sunt, ad Impedimentum vinculi pertinent: quapropter Autor ea melius collocavit in CAP. XIII. & XIV. ubi consultò agitur de Impedimentis Matrimonii.

OBSERVATIONES in CAP. XXII. de CONCUBINIS.

REGULA, quam Autor proponit principio, Concubinatum esse Societatem licitam, expositione indiget: Nam, si verbum accipiatur in significatione ordinariâ, nempe, pro contubernio duarum Personarum, quæ vivunt quasi Maritus & Uxor sine vinculo Matrimonii; Concubinatus semper illicitus est: ex adverfo, si, per hoc verbum, intelligat Matrimonium non solemnè, vulgo dictum *Matrimonium Conscientia*, verum est, hunc Concubinatum esse licitum, modo palam habeatur pro Matrimonio non solemnè. Differt à Matrimonio solemnè, in eo quod fiat sine Conventionibus Matrimonialibus; Uxor nomen suum retinet; non fruatur honoribus Mariti; agit & contrahit nomine suo; nullum habet jus in Bona Mariti, neque in acquisitiones, quæ, stante hoc contubernio, fiunt; Liberi nec suis Parentibus, nec Majoribus succedunt.

Autor laudat Canones, qui loquuntur de hac specie Concubinatus, eamque approbant. Laudat quoque eos, qui eum Clericis interdicunt, quia Matrimonium non solemnè, non satis honorabile est, respectivè ad illorum statum.

OBSERVATIONES in CAP. XXIII. de CONCILII.

Argumentum hoc hinc male collocatur: sedes germania ipsius erat *Caput I. hujus Libri*, ubi agitur de Fide & Doctrinâ Christianâ; ad Concilia enim pertinet Decisio eorum, quæ ad utramque pertinent, & illorum Definitiones, fiunt pars rerum, quæ credi ac doceri debent. Argumentum male cum præcedentibus connecbitur, dicendo, quod, enumeratis juribus Personarum, Rerum & Actionum, æquum est agere de Conciliis, quæ ista constitutuunt; hanc enim ob causam, illud referbare debuisset ad finem Operis; neque enim minus ordinant materiam *Libri V.* quam *Quatuor præcedentium*: hæc ratio nihilmagis convenit Visitationi, quam Conciliis immediate subicit, & cui eam accommodat. Sed excusat eum, quod Concilia & Visitatione sint Actus Ecclesiastici, & *Librum IV.* destinavit, ad illos Actus explicandos.

*Caput in Questiones VII.* dicitur. In nullâ fit sermo de variis Conciliorum speciebus; de rebus ipsis communibus, aut peculiaribus; de superioritate Conciliorum Generalium in alia omnia; de appellazione à Conciliis Inferioribus ad Superiora. Capitula Monachorum, & Synodus Diœcesana, hîc inter Concilia collocantur: credibile est, hoc nasci ex eo, quod Autor utatur verbo *Concilium*, prout significat Conventum Ecclesiasticum, & juxta hanc ideam, promiscue differit de quâlibet specie ejusmodi Conventûs, applicando omnibus id, quod paucis convenit. Affertur exempla in notis specialibus in unamquamque Questionem. Loquitur de Origine verborum *Concilium*, & *Synodus*, in *Quest. I.* quæ ipsi præbuit occasionem confundendi Concilia cum ceteris Comitiis Ecclesiasticis, nec attendit eminentiam Conciliorum eis affectavisse nomen commune omnibus Conventibus Ecclesiasticis. *Can. I. Dist. XV.* quem laudat, hanc conjecturam suppeditat.

*Quest. II.* respicit Tempus, & numerum Conciliorum, qua celebranda sunt

Duae priores Regule loquuntur de Conciliis Provincialibus. *Prima* jubet, illa quotannis haberi: *Secunda*, bis quolibet anno. *Tertia* loquitur de Capitulo Abbatum, & jubet, illa unoquoque triennio cogi. *Quarta*, omnibus Conciliis applicat Textum, qui de his Capitulis loquitur, & dicit, illa certo dierum continuorum numero perseverare debere.

*Quinta* omnibus Conciliis applicat id, quod Concilium *Nicanum*, Concilium *Antiochenum*, & *Canones Apostolorum*, de Conciliis Provincialibus dixerunt, illa celebranda esse tempore, quod praefliterunt.

Quod dicitur in *Quest. III.* in quâ quartitur, per quos Concilia celebrari debeant, respicit solum Capitulo Abbatum & Priorum, quamvis in Corpore Iustis occurrant multi Textus, qui loquuntur de Prælatis, ad quos pertinet convocatione verorum Conciliorum.

Secùs est de *Quest. IV.* respiciente eos, qui ad Concilium vocandi sunt. Hic sunt *Regula VIII.* quarum aliae loquuntur de Synodis Diœcesanis, & dicunt, omnes Sacerdotes ad eas convocari debere, idem esse quoad Monachos, qui Plebem regimini sue subjectam habent, secùs autem, quoad alios, qui dispensantur, denique, omnes, qui se lèflos arbitrantur, habere jus ad illas eundi, sicut ad Concilia *Reg. I. IV. V. VIII.* aliae loquuntur de Capitulis Monachorum vid. finem *Reg. V.* dicentes, Abbates vocari ad Concilium Abbatum & Religiosorum. *Reg. II. III. V. VI. VII.* loquuntur de Conciliis, sive Particularibus, sive Generalibus: dicunt, Suffraganeos, & Capitula Cathedralium convocanda esse ad Concilia Provincialia, Abbates quoque vocari debere, cùm iusta extat causa; cùm habent Privilegium, ut primus illorum immediatè post Episcopos sedeat, vel cùm habent Plebem sibi commissam: Hæreticos ab iis excludi; Imperatores iis interesse non debere, nisi Concilium Generale sit.

Observare juvat, omnes Personas, qua Conciliis interesse possunt, ad ea non convocari; sed eas tantum, qua vocem habent: ceteros vocari posse, vel ad protegendum Concilium, ut Princeps & Magistratus: vel, ut audiantur & judicentur, quales sunt, qui de aliquo gravamine conqueruntur; vel, ut erudiantur, ut Hæretici, alive qui difficultates proponere volunt: Imperatores non interfusile Concilis, nisi, cùm illa convocaverant, vel ex eorum iussu coacta fuerant; denique, Concilia, Synodos Diœcesanas, & Capitula Religiosorum, hîc confundit.

*Reg. II. & III. Quest. IV.* circa Antecedentia Conciliorum, rectius collocata fuissent sub *Quest. III.* quippe qua loquatur de autoritate, per quam Concilia convocari debent.

*Reg. II.* est erronea: dicit, solum Pontificem Concilia convocare posse, sive Generalia, sive Particularia; nisi id fiat ad tollendos abusus, aut corrigendas Personas, vel ad promulgandum id, quod in aliis Conciliis sanctum est; ut ostensum est in *Regulis circa Concilia*.

*Reg. III.* adversatur *Secunda*: nam dicit, neminem convocare posse Concilia Provincialia sine autoritate Metropolitanâ. Textus laudatus in *Prima* loquitur de Conciliis Provincialibus, antè quorum celebrationem Argumenta præparanda sunt, conficiendi Catalogi abusum tollendorum, difficultatum discutiendarum, controveriarum dirinendarum, contentionum so- piendarum.

*Reg. IV.* respicit Capitula Regularium; & ordinat apparatum seu suppellecitem Prælatorum: hîc iterum Capitula cum Conciliis confunduntur.

Idem cernere est in *Quest. VI.* de Adjunctis Conciliorum. Hujus *Regule XIII.* laudant solummodo Textus, qui de Argumento singularum loquuntur; nempe: de electione Præsidentium; quod pertinet solum ad Capitula Regularium: de ordine ceterorum; quod reliqui Conventibus convenit: de jurejurando Synodali; quod præstari debet in Synodo Diœcesanâ ab omnibus Testibus Synodalibus. Textus laudatus, è spuriâ *Decretali* desumptus est, quem tamen usus comprobavit: de propositione rerum reformandarum, aut definiendarum, aliarumve, quibus providere opus est; circâ quod nihil est, quod fieri non possit in quovis Ecclesiastico Conventu.

Sequitur Inquisitio culparum Præsidentium; hoc respicit Capitula Regularium; reconciliatio Episcoporum; hoc pertinet ad Concilia: Elecțio Visitatorum; hoc ad Capitula Regularium: assignatio loci, in quo sequens Concilium teneri debeat; hoc etiam ad Capitula pertinere potest, cùm in eodem loco non coeunt semper: Rationes investiganda, quibus impediatur, ne Episcopi Ecclesiæ noceant: Mensa, & expensæ communes: munuscula accipienda & danda: meditatio & sollicitudo Patrum: tria hæc respiciunt omnes Conventus Ecclesiasticos, & maximè Comitia Monachorum.

Quod diximus de *Regulis Quest. VI.* extendit ad *Quest. VII.* de Consecrariis Conciliorum, quæ citant solum Textus Argumento suo respondentes: videlicet, pœnæ eorum, qui Conciliis interesse negligunt, vel ea quotannis celebrare: promulgatione Statutorum, quæ in eis conduntur: observatione ipsorum: pœna Infractorum, relatione ad Pontificem, eorum, quæ in Conciliis componi nequeunt. Quod legitur in *Regula III.* de publicatione Diei Paschæ in Concilio, à multis Sæculis exolevit. Eadem Regula omnibus Conventibus Ecclesiasticis accommodari queunt.

#### OBSERVATIONES in CAP. XXIV. de VISITATIONIBUS.

Dividitur in *Questiones VII.* Sex Piores valde imperfecta sunt: eas supplere potest *Septima*.

Loquendo in *Prima*, de causis Visitationis, unius duntaxat mentionem facit, nempe suspicionis Hæreticos: porrè multæ sunt Visitationis causæ.

*Tres Regulae Quest. II.* nihil aliud docent, nisi, omnes Visitationi subiacere; Clericum & Populum Episcopali: Suffraganeos, Archiepiscopali; quæ perfici debet in Diœcesi Metropolitanâ, antequā ceteræ Diœceses visitentur. Monachos omittit inter eos, qui visitari possunt; & Canonicos Regulares, qui medium inter Clericos & Monachos tenent.

Quod dicit, jus Visitationis impræscriptibile esse; non est verum quoad Patriarchas, Primates, Metropolitanos ergâ distictum generalem uniuscujusque ipsorum, quem visitare deferunt. *Tertia*, loquens de iis, qui visitandi jus habent, solos Archiepiscopos commemorat: longè plures tamen Prælati jus habent visitandi; scilicet, Pontifex, ejus Legati, Patriarchæ, Primates, Episcopi, Archidiaconi, Archipresbyteri, seu Decani Rurales, Abbates, Priors Conventuales.

Quod dicit in *Quest. IV.* committi posse Visitationem, non est generaliter verum; nam v. gr. Visitatores Ordinum Religiosorum, Archidiaconi, Archipresbyteri, visitare debent per se ipsos. Episcopi non possunt Exemptos visitare, nisi per seipsos, saltem in quibusdam Casibus.

*Reg.*